

大唐開元禮



大唐開元禮



大唐開元禮卷第六十二

吉禮

皇帝巡狩

鑾駕出宮

燔柴告至

望秩于山川

肆覲東后

考制度

鑾駕出宮

將巡狩所司承制先頒告於東方諸州曰皇帝二月
東巡狩各修平乃守考乃職事敢不敬戒國有大刑
駕將發告園丘宗廟社稷皆如別儀皇帝出宮備大
駕鹵簿皆如常儀較於國門祭所過山川如親征之

禮所經州縣刺史縣令先待於境通事舍人承制問
百年古先帝王名臣烈士皆州縣致祭

燔柴告至

將告將作預於太山下修園壇四出陛

若先有封禪
祀天壇卽不

須別

築前告三日尙舍直長施大次於外壇東門之內

道北南向尙舍奉御鋪御座守宮設文武侍臣次於
大次之後文官在左武官在右俱南向又設告官次
於東壇之外道南從告文官九品以上於告官之東
東方諸州刺史縣令應朝者於文官之東東方南方
蕃客又於其東俱重行每等異位北向西上介公擲

公位於西壇之外道南武官九品以上於介公鄴公

之西西方北方蕃客又於其西俱重行每等異位北

向東上其褒聖侯於文官三品之下若有諸州使人分方位於武官之後設陳饌幔

於內壇東門之外道南北向 前二日太樂令設宮

懸之樂於壇南設登歌之樂於壇上竝如常儀右校

掃除壇之內外郊社令積柴於燎壇其壇於樂懸之南外壇之內

方一丈高一丈二尺開上南出戶方六尺 前一日

皇帝清齋於行宮預告之官皆於告所清齋一日近

侍之官應從升者及從告羣官諸方客使皆於其所

俱清齋一宿諸衛令其屬晡後一刻各以其方器服

守衛壝門與太樂工人俱清齋一宿奉禮設御位於壇之東南西向設告官司徒位於內壝東門之內道南執事者位於其後俱西面北上設御史位於壇下一位於東南西向一位於西南東向令史各陪其後設奉禮位於樂懸東北贊者二人在南差退俱西向設協律郎位於壇上南陛之西東向設太樂令位於北懸之間當燎壇之北設從祀之官位文官九品以上於執事之南東方諸州刺史縣令又於其南東方蕃客又於其南俱每等異位重行西面北上介公鄴公位於內壝西門之內道南武官九品以上於介公

鄘公之後當文官西方北方蕃客於武官之南俱每

等異位重行東面北上

其褒聖侯位於文官三品之下若有諸州使人分方位於

文武官之後

設告官以下門外位於東西墻門之外道南

皆如設次之式郊社令率府史一人及齋郎以尊坫

罍洗篚冪入設於位竝如常儀執尊罍篚冪者各位

於尊罍篚冪之後

告日未明十五刻太官令帥宰

人烹牲於廚

蒼牲一
騂牲一

未明四刻太史令郊社令各服

其服升設昊天上帝神座於壇上北方南向席以藁

秸設高祖神堯皇帝神座於東方西向席以莞設神

座各於座首

未明三刻諸告官各服其服郊社令

良醞令各帥其屬入實尊罍及玉幣

天帝太尊二配帝著尊二俱以

汎齊其明水各實於上尊玉以蒼璧幣長一丈八尺

太祝以玉幣置於筐太官

令帥進饌者實諸籩豆簠簋等皆設於饌幔內

未

明二刻奉禮帥贊者先入就位贊引引御史太祝以

下行掃除如常儀訖各就位皇帝服袞冕乘輅發行

宮奏請進發內外器服皆如常儀駕將至謁者贊引

各引告官通事舍人引從告羣官東方刺史縣令諸

方客使俱就門外位駕至大次門外迴輅南向千牛

將軍降立於輅右侍中進當鑾駕前跪奏稱侍中臣

某言請降輅俛伏興還侍位皇帝降輅之大次郊社

令以脫版進署如常協律郎與太樂令帥工人入

就位其升堂座者皆脫履於下降納如常謁者贊引各引告官通事舍

人引從告羣官刺史縣令及諸方客使次入就位皇

帝停大次半刻頃太常博士引太常卿立於大次門

外當門北向侍中版奏外辨皇帝出次華蓋侍衛如

常儀侍中負璽陪從如式博士引太常卿太常卿引皇帝凡太常卿

前導皆博士前引至內壘門外殿中監進鎮圭華蓋仗衛停

於門外近侍者從入如常皇帝至版位西向立每立定太

常卿與博士退立於左太常卿前奏稱請再拜退復位皇帝再

拜奉禮曰眾官再拜贊者承傳凡奉禮有辭贊者皆承傳眾官在

位者皆再拜太常卿前奏有司謹具請行事退復位

協律郎跪俛伏舉麾凡取物者皆跪俛伏而取以興奠物則跪奠訖俛伏而後興

鼓祝奏豫和之樂乃以圓鍾為宮黃鍾為角太簇為

徵姑洗為羽作文舞之舞樂舞六成偃麾戛敵樂止

凡樂皆協律郎舉麾工鼓祝而後作偃麾戛敵而後止太常卿前奏稱請再拜

退復位皇帝再拜奉禮曰眾官再拜眾官在位者皆

再拜太祝取玉於篚立於尊所太常卿引皇帝太和

之樂作皇帝每行皆作太和之樂皇帝詣壇升自南陛近侍者從

升如常儀皇帝升壇北向立樂止太祝以玉授侍中

侍中奉玉東向進皇帝搢鎮圭凡受物則搢鎮圭奠訖執圭俛伏興受

玉登歌作肅和之樂以大呂之均太常卿引皇帝北面跪奠於昊天上帝神座俛伏興太常卿引皇帝少退北向再拜訖太常卿又引皇帝立於東方西向配座太祝以幣授侍中侍中奉幣北向進皇帝受幣太常卿引皇帝進東面跪奠於高祖神堯皇帝神座俛伏興太常卿引皇帝少退東向再拜訖登歌止太常卿引皇帝樂作皇帝降自南陛還版位西向立樂止初皇帝既升奠玉幣太官令出帥進饌者奉饌陳於內墻東門之外謁者引司徒出詣饌所司徒奉天帝之俎初皇帝既至位樂止太官令引饌入俎初入門

奏雍和之樂以黃鍾之均自後接神之樂皆奏黃鍾饌至陞樂止

天帝之饌升自南陞諸太祝迎引於壇上各設於神

座前籩豆蓋幕設訖謁者引司徒以下降自東陞復

位諸太祝各還尊所太常卿引皇帝詣罍洗樂作皇

帝至罍洗樂止侍中跪取匱興沃水又侍中跪取盤

興承水皇帝盥手黃門侍郎跪取巾於匱興進皇帝

帨手訖黃門侍郎受巾跪奠於匱遂取匏爵於匱興

進皇帝受爵侍中酌罍水又侍中奉盤皇帝洗爵黃

門侍郎授巾皆如初皇帝拭爵訖侍中奠盤匱黃門

侍郎受巾奠於匱皆如常太常卿引皇帝樂作皇帝

詣壇升自南陛樂止謁者引司徒升自東陛立於尊

所齋郎奉俎從升立於司徒之後太常卿引皇帝詣

天帝酒尊所執尊者舉冪侍中贊酌汎齊訖壽和之

樂作皇帝每酌獻飲福皆作壽和之樂太常卿引皇帝進天帝神座

前北面跪奠爵俛伏興太常卿引皇帝少退北向立

樂止太祝持版進於神座之右東面跪讀祝文祝文臨時

撰訖興皇帝再拜初讀祝文訖樂作太祝進奠版於

神座還尊所皇帝拜訖樂止太常卿引皇帝詣配帝

酒尊所執尊者舉冪侍中取爵於坫進皇帝受爵侍

中贊酌汎齊訖樂作太常卿引皇帝進高祖神堯皇

大唐開元禮卷第六十三

帝神座前東面跪奠爵俛伏興太常卿引皇帝少退
東向立樂止太祝持版進於神座之右北面跪讀祝
文訖興皇帝再拜初讀祝文訖樂作太祝進奠版於
神座還尊所皇帝拜訖樂止太常卿引皇帝進天帝
神座前北向立樂作太祝各以爵酌福酒合置一爵
一太祝持爵授侍中侍中受爵西向進皇帝再拜受
爵跪祭酒啐酒奠爵俛伏興諸太祝各帥齋郎進俎
太祝跪減神前胙肉皆取前脚興以胙肉共置一俎
上授司徒司徒奉俎西向進皇帝受以授左右皇帝
跪取爵遂飲卒爵侍中進受爵以授太祝太祝受爵

復於坵皇帝俛伏興再拜樂止太常卿引皇帝樂作

皇帝降自南陛西向立樂止謁者引司徒降復位太

祝各進徹豆還尊所徹者籩豆各一少移於故處奉禮曰賜胙贊

者唱眾官再拜眾官在位者皆再拜豫和之樂作太

常卿前奏稱請再拜退復位皇帝再拜奉禮曰眾官

再拜眾官在位者皆再拜樂一成止太常卿前奏請

就望燎位太常卿引皇帝就望燎位南向立樂止於

羣官將拜諸太祝各執篚進神座前取玉幣祝版齋

郎以俎載牲體稷黍飯各由其陛降壇南行經柴壇

西過壇東行自南陛登柴壇以玉幣祝版饌物等置

於柴上戶內奉禮曰可燎東西面各六人以炬燎火
半柴太常卿前奏禮畢太常卿引皇帝還大次樂作
皇帝出內壝門殿中監前受鎮圭華蓋侍衛如常儀
皇帝入次樂止謁者贊引各引告官通事舍人引從
告羣官諸方客使以次出贊引引御史太祝以下俱
復執事位立定奉禮曰再拜御史以下皆再拜贊引
引出工人以次出

鑾駕還行宮

皇帝既還大次侍中版奏請解嚴

將士不得輒離部伍

皇帝改

服通天冠絳紗袍乘輅奏請還宮如常儀

望秩于山川

柴之明日望秩祀於嶽鎮海濱山林川澤丘陵墳衍
原隰將祭所司預爲壇於祭所其神皆以尊卑爲序
重行南向 前三日守宮設祭官以下次於東壝之
外道南北向以西爲上設陳饌幔於內壝東門之外
道北南向 前二日太樂令設宮懸之樂於壇南設
登歌於壇上皆如常儀右校埽除壇之內外又爲瘞
陷於壇北之壬地外壝之內方深取足容物 前一
日諸祭官各清齋於祭所諸衛令其屬晡後一刻各
以其方器服守衛壝門與太樂工人俱清齋一宿奉